

ХИВА ХОНЛИГИ ҲУНАРМАНДЧИЛИГИДА ҲУНАРМАНДЛАР РИСОЛАЛАРНИНГ ЎРНИ, МАВҚЕИ ВА ТАРБИЯВИЙ АҲАМИЯТИ.

Матяқубов Шоназар Собирович

Хоразм Маъмун академияси

катта илмий ходими.

shonazarmatyqubovv@gmail.com

Аннотация: Мақолада муаллиф Хива хонлиги ҳунарманчилигида ҳунарманлар рисолаларининг ўрни, мавқеи ва тарбиявий аҳамияти ҳақида маълумотлар беради.

Калит сўзлар: Ўрта Осиё, Хива, рисолалар, ҳунарманчилик, устоз-шогирд, кулоччилик, қассобчилик.

Аннотация: В статье автор предоставляет информацию о месте, статусе и просветительском значении ремесленных брошюров в ремеслах Хивинского ханства.

Ключевые слова: Средняя Азия, Хива, брошюры, ремесла, мастер-подмастерья, гончарное дело, мясное дело.

Annotation: In the article, the author provides information about the place, status and educational significance of craft brochures in the crafts of the Khiva Khanate.

Keywords: Central Asia, Khiva, brochures, crafts, apprentice craftsmen, pottery, butchery.

Ўрта Осиё худудида, жумладан, Хива хонлигига ҳунарманчилликни ташкил этиш тартиби ва анъаналари ҳунарманларнинг рисолаларида ўз аксини топган. Рисола сўзи араб тилидан келиб чиқсан бўлиб, хат, нозил этилган, тарғибот, ҳунарманчиликка бағишланган асар, рисола маъносини англатади. Ҳунарманчилик рисолалари маълум бир ҳунарнинг тарихи, унинг пири,

маросимлари, шу ҳунарни эгалламоқчи бўлган шогирдларга қўйиладиган талаблар, уста-шогирд ўртасидаги муносабатлар ҳақида муҳим маълумотлар мавжудлиги билан бошқа ёзма манбаалардан фарқ қиласди. Рисолалалар инсонда ўзини касбга муносиб тутиш маданиятини, устоз-шогирд ўртасидаги хурмат муносабатларини, касбга садоқат, тўғрисўзлик, ҳалоллик каби фазилатларни тарбиялашда аҳамияти катта бўлган. Ҳар бир касб-ҳунарнинг рисоласи мавжуд бўлиб, улар орқали мазкур ҳунарнинг тарихи, пиру-муршиidlари, машхур усталари ҳақида маълумотларга эга бўлинган. Устознинг қўли остидаги шогирдининг тарбиясига жавобгарлиги, уни бир неча йил тарбиялаб, ҳунарининг барча сирасорини ўргатиб, унинг келажагига масъул шахс эканлигини кўрсатади. Устоз шогирддан мазкур ҳунар рисоласи кўрсатмаларига амал қилишни ва унда таъкиқланган гуноҳ ёки ҳаром деб ҳисобланган ишлардан узоқ бўлишни, мижозлар билан мулоқотда хушмуомала бўлишни, ҳар бир ишини сидқидилдан бажаришни талаб қиласди. Ҳатто рисолаларда ушбу кўрсатмаларга амал қилинмаса, ҳунарманд рисолани оёқ ости қилса охирати вайрон бўлиши, қиёмат куни юзи қаро бўлиши, ҳудонинг ғазабига учраши, аҳли аёли билан ажрашиши лозимлиги, устоз томонидан 18 дарра урилиши каби жазолар билан таҳдид қиласди. Бу эса рисолаларда кўрсатилганидек, устоз-шогирдлик мактабида таълим ва тарбиянинг ҳамоҳанглигини исботлайди. Ўрта Осиё ҳунармандлари рисолалари кўпинча умумий жиҳатларга эга бўлиб, улар авлоддан-авлодга қўлёзма ҳолида етиб келган. Рисолалар тўпламиининг айримлари Санкт-Петербург Шарқшунослик институтида, ЎзРФАнинг Абу Райхон Беруний номидаги Шарқшунослик институтида, Ўзбекистон Миллий Университетининг музей фондларида сақланади. Айрим рисола матнлари эса Туркестанская туземная газеталарида нашр қиласди. Хива ҳунармандларига хос бўлган бир неча рисолалар бизгача етиб келган. Булар қассобчилик, дехқончилик, этикдўз ва кавушдўзлик рисолалари бўлиб, Хивадаги Иchan қалъа музей қўриқхонасининг архив фондларида сақланмоқда. Ушбу учта рисоланинг ёзилиш услуги ва Хоразм шевасидаги сўзларнинг учрашига кўра, улар

маҳаллий ҳаттот томонидан XIX асрда кўчирилган бўлиши мумкин. Улар алоҳида варақлар кўринишида бўлиб, уларнинг чети яшил тўғри чизиқли ҳошия билан, атрофи эса зар билан безатилган. Рисолалар настаълик хатида, эски ўзбек ёзувида иккита устун кўринишида ёзилган. Уларнинг учтаси ҳам Ўрта Осиёдаги бошқа рисолалар каби бошида Оллоҳга ва унинг пайғамбарларига ҳамду санолар айтиш билан бошланган. Сўнгра Оллоҳнинг инояти билан фаришталар Ҳазрат Жаброилга рисолада кўрсатилган ҳунар турини қандай ўргатганлиги ҳақида маълумот берилиб, Имом Жаъфар Сиддиқдан ёки Содикдан бу ҳунар кимларга қолдирилганлиги ва улардан бу ҳунарни бошқалар қандай ўрганганлиги ҳақида ривоятлар айтилади. Буни “рисолаи қассобчилик” мисолида яққол кузатиш мумкин. Унда ушбу машғулот тарихи қисқача баён қилиниб, қассоблар учун муҳим бўлган дуолар, фазилатлар алоҳида кўрсатиб ўтилади. Рисолага биноан қассоблар 12 та сифатларга эга бўлишлари лозим бўлган. Хусусан, аввал ўзларини (дилини) пок тутмоғи, иккинчидан ҳар доим таҳорат олиб юриши, учинчидан хушхулқ бўлмоғи, тўртинчидан қассоблар учун ёзилган дуоларни ўқиб юрмоғи, бешинчидан пирлар руҳига такбир айтмоғи, олтинчидан пирлардан яхшиликни тиламоғи, еттинчидан тўғрисўз бўлмоғи, саккизинчи олам аҳлини дўст тутмоғи, тўққизинчи садақа қилмоғи, ўнинчи устахонасини азиз тутмоғи, ўн биринчи одоб билан муомала қилмоғи, ўн иккинчи зикр ва тасбех билан бўлмоқлик бу ҳунар эгалари олдига шарт қилиб қўйилган [1]. Иchan қалъа музей қўриқхонасида сақланаётган қассоблар рисоласи XX аср бошларида М. Гаврилов томонидан ўрганилган қассоблар рисоласига ўхшаш бўлса ҳам, қисман фарқ ва тафовутларга эга. Бу рисолалардаги ривоят бир-бирига ўхшаш бўлса-да, қассоблар амал қилиши лозим бўлган фазилатларда тафовутлар бор. Иккала рисолада ҳам қассоблар учун 12 та қоида мажбурият қилиб юклangan. Хива рисоласидаги еттинчи фазилат тўғрисўзлик бўлса, саккизинчиси шогирдларни эрта-ю кеч ўқитиш ҳисобланган. М. Гаврилов тадқиқ этган рисолада эса еттинчи сифат олам аҳлини дўст тутмоқлик, саккизинчи фазилат сифатида тўғри сўзлик назарда тутилган. Ҳар иккала

рисоладаги бошқа сифатлар бир-бирига мос келади. Бундан кўринадики, рисолалар бир-бирини такрорлайди ва тўлдириб боради. Иchan қалъа музей қўриқхонаси архивида сақланаётган яна бир рисола-Бисмиллоҳ музга ва кафшдўзлик деб номланади. Оллоҳга ҳамду санолардан кейин, рисола имом Жафар Сиддиқ ривояти билан, яъни ул жаноб Ҳазрат Солиҳ пайғамбарга кавушдўзликни каромат қилинганилиги, бу ҳунарни қандай ўргатганилиги баёни билан бошланади. Маълум бўлишича, бу ҳунар Ҳазрат Солиҳдан Юнус пайғамбарга ўтган. Рисолада ёзилишича, оёқ кийим тикиладиган терига дастлаб кимс-ранг берилиши лозим бўлган. Рисола сўнггида савол-жавоб тариқасида кавушдўзларнинг иш жараёнида қандай оят ва ибодатлар қилиниши баён этилган. Улар жумласига терини кесардаги ояtlар, кимс(бўёқ) қилганда, пошна ёпиштирурда, пошнани ортиқча жойини кесарда, чармдўзлик қилганда қандай ояtlар ўқилиши кўрсатилган. Ушбу кўрсатмалар шогирдга савол-жавоб орқали қайд этилган. Жумладан, унда савол: Соҳиби такбир кимларни дўст этадурлар? Жавоб: аввал Ҳазрат Жаброил алайҳиссаломни, иккинчи -ҳазрат Одам алайҳиссаломни учинчи ҳазрат Нуҳ алайҳиссаломни тўртинчи ҳазрат Иброҳим алайҳиссаломни бешинчи Муҳаммад Мустафо алайҳиссаломни дейурларида ўлтурурлар деб қайд этилади. Шунингдек, рисолада бу ҳунарни ўрганиш истагидаги ҳар ким ушбу рисолага амал қилмаса гуноҳкор бўлиши, бу ҳунар жуда улуғ ҳунарлардан бўлиб, пиру устодлардан садоқат ва истеъдод билан ўрганилса ва рисолани ҳафтада ёки ойда ёки бир йилда ўқиб эшитса, устозлар ва пир устодлар хоз қатвош қилиб ўтказиб, арвоҳина бағишиласалар улар хушнуд бўлиб, бу косибларга хизматкор бўлур[2]-дейилади. М.Гаврилов ҳунармандлар рисолаларининг аксарияти форс тилидан таржима қилинганилигини таъкидлайди. Иchan қалъа музей қўриқхонасида сақланаётган Хива хонлигига тегишли деб топилган рисолаларда ҳам форс, араб тили элемен tlari мавжуд бўлиб, матн асосан туркий тилда ёзилган. Уларнинг Ўрта Осиёning бошқа ҳудудларидаги ҳунармандлар рисолалари билан умумийлик ва ўхшашлик жиҳатлари кўп. Ушбу рисолаларни қачон кўчирилгани қайд этилмаган. Рисолалар

араб алифбосининг настаълиқ хатида ёзилган бўлиб, ёзилиш услуги ва қоғозига қараб XIX аср бошларида битта хаттот томонидан қўчирилган деб айтиш мумкин. Хивада нафақат бирор бир маҳсулот ишлаб чиқаришга ихтисослашган хунармандлар, балки аҳолининг турли ижтимоий табақалари вакиллари хатти-харакатларини тартибга солишга йўналтирилган рисолалар ҳам бўлган. Улар жумласига-девоначилик, қозиларнинг бурч ва мажбуриятлари анъаналари ёзилган “рисола-и қози-қуззот”ни келтириш мумкин. Ўрта Осиёning бошқа жойларидағи каби хонликда муайян мол олди-сотдиси билан шуғулланувчи шахслар номига “фуруш” сўзи қўшилиб айтилган. Улар жумласига чойфуруш, кигизфуруш, қандолатфуруш, супургифуруш, рўянфуруш, ёғочфуруш, чопонфуруш ва шу кабилар мансуб бўлиб, ушбу фаолият билан машғул шахслар ҳам ўз касбининг рисолаларига эга бўлганлар. Улардан бири Хива чойфурушлари дастури бўлиб, унда кўрсатилишича, таркиб топган анъанага қўра чой савдоси билан шуғулланувчиларнинг оқсоқоли калонтар бошчилигига ҳафтанинг чоршанба куни “пир арвоҳи” маросими ўтказилган. Бу маросимда иқтисодий имконияти юқори бўлган усталар қўй сўйиб, бунга қурби етмаганлар гўшт сотиб олиб, палов пиширганлар. Таомни ейишдан олдин пир арвоҳига бағишлиб дуо ўқилган. Паловни егандан кейин такбир ўқиб бўлиб, чойфурушлар ўз дўконларида кетганлар. Янги дўкондор ўз дўконини очмоқчи бўлса, тўққизта нон ва узум олиб келиб, калонтар ва икки-учта ёши улуғ қарияларни чақириб, фотиҳа олганидан сўнгина чой сотишга мўлжалланган ўз дўконини очиши мумкин бўлган. Агар шогирд бу анъанани бажармаса, калонтар унга чойфурушлик дўконини очишга рухсат бермаган. Шунга мувофиқ равищда унга нисбатан ижтимоий фикр шаклланган, одамлар уни гуноҳкор санаганлар ва ундан эҳсон олингандагина гуноҳи кечирилган. Хива чопонфурушлар анъанасига қўра пир арвоҳи ҳар 15 кунда ўтказилган. Хива хонлиги деҳқонлари ҳам ўз рисоласига эга бўлганлар унда: Огоҳ ва доно бўлғилким ул султони авлиё ва дарвеши анбиё орифу ошиқ яъни ҳазрат Ином Жаъфар Сидик ва раҳнамойи мувофиқ ривоят қилурким Ҳазрат Одам

алайҳиссаломдин то жаноб расулуллоҳ саллолаҳу алайҳи вассалам замонилариғача 7770 дәхқон ўтубдурлар[3] дейилади. Бухоро хонлигиде мавжуд бўлган дехқонларининг рисоласида эса Ҳазрат Одам алайҳиссаломдан аълайҳи вассаламнинг замонигача 7777 нафар дәхқон ўтганлиги[4], яна бир дехқончилик рисолаларидан бирида эса дунёдан ўтган улуғ дехқонлар минг етти юз эканлиги қайд этилади [5]. Ривоятларда бундай тафовутлар кўп бўлишига қарамай улар бир бирини тўлдиради. Хива дехқончилик рисоласига кўра дехқончилик билан шуғулланмоқчи бўлганлар 7 та амалга риоя қилиши лозим бўлган. Хусусан, улар ниятда пок бўлмоғи, ниятда рост бўлмоғи, диёнатлилик бўлмоғи, такбир айтмоғи, яъни Оллоҳу акбар демоғи, аҳкомни бажо келтирмоғи, яъни намозда ва рўзада жами фарзларни бажо келтирмоғи, доимо таҳорат бирла бўлмоғи, худойи таолонинг ҳар амирларини бажармоғи шарт бўлган. Рисолада дехқонлар уруғни ерга қадашдан олдин саккиз нарсага эътибор қаратиши лозимлиги эслатиб ўтилади. Улар чин эътиқодга эга бўлмоғи учун пирларнинг арвоҳларига тиловати Куръон қилмоғи уруғни ўнг кўлга олмоқлиги, ҳар неча ғазаби келса ютмоқлик, кўнгилни кенг тутмоқлик, доимо таҳорат бирла бўлмоқ, Худойи таоло номини ёддан чиқармаслиги лозим бўлган. Рисолада дехқонлар қўш қўшганда, омоч билан ер ҳайдаганда, буғдой, жўхори, арпа, шоли, зифир, кунжут, тарик, мош, қовун, тарвуз, қовоқ, сабзи, турп, пиёз эккандаги оятлар, дехқончиликка сув берганда, хирмон янчарда, дон совурганда, қопга солганда, уйга олиб келгунча қандай оятлар айтилиши ёзилган. Рисола охирида ушбу кўрсатмаларга амал қилмаганлар бебаракат бўлишлари, агар рисолани муқаддас билиб, ундаги Куръондан келтирилган оятларни ўқиса, охиратда ушбу ҳайри саховатлари бошига соябон ва жаннатий бўлишлари баён қилинади. Бу ўринда қайд қилиб ўтиш лозимки, хонликда Ўрта Осиёнинг бошқа давлатларидағи каби дехқончилик билан асосий машғулотидан ташқари, аҳолининг турли қатлами қўшимча фаолият сифатида шуғулланган. Шаҳар аҳолисининг турли ижтимоий қатламлари хусусан, ҳунармандлар бир вақтнинг ўзида ҳунармандчилик ва дехқончилик билан

шуғулланганлар. Шаҳардан ташқаридаги ҳовлиларга эга бўлган. Айрим машғулот тури, касб-корларнинг ҳам рисоласи бўлиб, улардан бири “Рисола-и милтиқандоз”[6] бўлиб, у милтиқ отувчиларнинг кичик китобча кўринишидаги, настаълик хатида камончилар рисоласининг қайта ишланган шакли бўлиб, қора сиёҳда, рус қоғозига XIX асрнинг биринчи ярмида кўчирилган рисоласидир. Авваллари рисола ҳарбий истеҳкомда сақланган бўлса, уни чўнтак миқёсида ҳажмининг кичрайиши, қўлёзманинг ёзилиш услуби ва муқоваланишидаги ихчамлашиши ҳарбийларнинг ёнида олиб юришидаги қулайликка мўлжалланганлигини кўрсатади. Кўпгина рисолалар каби милтиқ отувчиларнинг рисоласи ҳам дастлаб Оллоҳга ҳамду санолар ва И мом жафар Сиддиқ ривояти билан бошланади. Рисолада ёзилишича, милтиқ отарлик паҳлавон Исмоил Румийдан қолган. Ундан паҳлавон Ғайибуллоҳга, ундан уста Сайд Қарнашкийга, ундан уста Азиз Табризга, ундан уста Низомуддин Бағдодийга ундан Ахмад Замчийга қолган. Рисолада милтиқ олганда, милтиқ солганда, милтиқни белга боғларда, милтиққа дори (порох) қўярда, ўқ соларда, нишонга тутарда, милтиқ юварда, милтиқ қуритарда қандай оятлар ўқилиши ёзилган. Унда кўрсатилишича, мерганчиликдаги ўн иккита фарзларга амал қилиш таъкидланади. Булар биринчиси саховат; иккинчиси мурувват; учинчиси кифоят; тўртинчиси инобат; бешинчиси каромат; олтинчиси таҳорат бирла бўлмоқ; еттинчиси омонатга хиёнат қиласли; саккизинчи сафдошларига хиёнат қиласли; тўққизинчи савоб ишлар қилиш; ўнинчи етимларга меҳр ва шавқат қиласли; ўн биринчи холис ниятли бўлмоқ; ўн иккинчи ибодат қиласли лозимдир. Хуоса қилиб айтганда юқорида келтирилган маълумотлар хонлиқда асрлар давомида ҳунармандчилик соҳалари ривожи билан боғлиқ равишда уни ташкил этиш, устоз-шогирдлик мактаби анъаналари такомиллашиб борганлиги, бу ўринда рисолалар муҳим ўрин тутганлигини кўрсатади. Ҳунармандлар рисолалари инсонда муайян касбга муносабатни шакллантиришда муҳим ўрин тутганлиги, устоз-шогирд ўргасидаги алоқалар касбга садоқат, тўғри сўзлик, ҳалоллик каби фазилатларни тарбиялашда аҳамияти

кatta бўлган. Бундай рисолалар Ўрта Осиё давлатларидағи каби Хива хонлигига ҳам мавжуд бўлиб, ўзининг бир қатор жиҳатлари билан бошқа хонликлардаги рисолалардан фарқ қилганлиги, бу эса Хива ҳунармандчилиги доимо ривожланишда бўлганлигини ва ушбу жараён рисолаларнинг такомиллаштирилиб борилишига замин бўлганлигини исботлайди. Вояга етиб келаётган навқирон ёш авлод, ота-боболаримиз томонидан яратилган ҳунармандлар рисолаларини мазмун-моҳиятини ва тарбиявий аҳамиятини мукаммал ўрганиб, ҳар бир инсон учун бир марта бериладиган ҳаётларида ўzlари учун муносиб касб-хунарларни мукаммал эгаллаб, рисолалардан эса келгуси ҳаётлари учун ибратли амалларни ўзлаштириб олишлари зарур бўлади.

Фойдаланилган адабиётлар рўйхати

- 1.Иchan қалъа музей қўриқхонаси архив фонди, инв. № 4838 қўлёзма. Рисола-и қассобчилик.– 3 варақ.
- 2.Бисмиллоҳ музва ва кафшдўзлик. Иchan қалъа музей қўриқхонаси архив фонди инв. № 4838 қўлёзма. 2a варақ.
3. Рисола-и дехқончилик. Иchan қалъа музей қўриқхонаси архив фонди, инв. № 4838 қўлёзма. 1- варақ.
4. Ҳунармандлар рисоласи / Нашрга тайёрловчи, сўз боши ва изоҳлар муаллифи т.ф.н. Р. Қиличев. – Бухоро 2007. – Б. 7.
5. Дехқончилик рисоласи // Туркестанская туземная газета 1902, № 22.
6. 507 Рисола-и милтиқандоз. Ўзбекистон Миллий университети музей фонди, қўлёзма, инв. №159486. –1a – 7б варақлар.